

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška dijela sredstava utvrđenih u Razdjelu 17. Budžeta Federacije Bosne i Hercegovine za 2014. godinu Federalnom ministarstvu energije, rudarstva i industrije „Izdaci za finansijsku imovinu – Ostala domaća pozajmljivanja“, ("Službene novine Federacije BiH", broj 52/14, Federalno ministarstvo energije, rudarstva i industrije o b j a v l j u j e

**JAVNI POZIV
ZA KANDIDOVANJE PROGRAMA UTROŠKA PREOSTALOG DIJELA
SREDSTAVA UTVRĐENIH U RAZDJELU 17. BUDŽETA FEDERACIJE BOSNE I
HERCEGOVINE ZA 2014. GODINU FEDERALNOM MINISTARSTVU ENERGIJE,
RUDARSTVA I INDUSTRIJE „IZDACI ZA FINANSIJSKU IMOVINU – OSTALA
DOMAĆA POZAJMLJIVANJA“
(Kreditiranje pod povoljnim uslovima u poplavljenim područjima)**

I. PREDMET POZIVA

Predmet poziva je prikupljanje zahtjeva za odabir korisnika preostalih kreditnih sredstava, a u skladu sa Odlukom o usvajanju Programa utroška dijela sredstava utvrđenih u Razdjelu 17. Budžeta Federacije Bosne i Hercegovine za 2014. godinu Federalnom ministarstvu energije, rudarstva i industrije „Izdaci za finansijsku imovinu – Ostala domaća pozajmljivanja“ ("Službene novine Federacije BiH", broj 52/14)(u daljem tekstu:Program).

II. PRAVO UČEŠĆA

Pravo učešća na Javni poziv za Mjeru 1. Programa imaju privredna društva sa teritorije sljedećih kantona: Unsko-sanskog, Zeničko-dobojskog, Posavskog, Tuzlanskog, Srednje-bosanskog i Sarajevskog iz sljedećih sektora industrijske proizvodnje:

- Metalna, elektro i automobilska industrija,
- Građevinska industrija,
- Drvna i papirna industrija,
- Proizvodnja tekstila, odjeće, kože i obuće i
- Hemijska industrija i industrija gume i plastike

Za Mjeru 2. Programa pravo učešća imaju sva privredna društva sa teritorije Federacije Bosne i Hercegovine koja ispunjavaju propisane uslove, iz naprijed navedenih sektora industrijske proizvodnje.

III. SVRHA POZAJMLJIVANJA PREOSTALIH SREDSTAVA

Cilj programa je odobravanje namjenskih preostalih kreditnih sredstava privrednim društvima sa teritorije sljedećih kantona: Unsko-sanskog, Zeničko-dobojskog, Posavskog, Tuzlanskog, Srednje-bosanskog i Sarajevskog koja su pogođena poplavama i koja su pretrpjela štetu, kao i ostalim privrednim društvima koja su indirektno pretrpjela štetu od elementarnih nepogoda, usljed poremećaja

robnih tokova i poslovnog ambijenta na tržištu Federacije Bosne i Hercegovine. Predviđeno je da se ova kreditna sredstva utroše za osiguranje uslova koji će rezultirati nastavkom rada i očuvanjem radnih mjesta u privrednim društvima.

Očekivani efekti Programa su:

- sanacija posljedica izazvanih prirodnom nesrećom;
- nastavak rada privrednih društava;
- očuvanje radnih mjesta.

1. PROGRAM POZAJMLJIVANJA PREOSTALIH SREDSTAVA I MJERE

Program pozajmljivanja preostalih sredstava će se vršiti kroz sljedeće mjere:

MJERA 1.

Sanacija šteta i nastavak rada privrednih društava

Pozajmljivanje preostalih sredstava vrši se za podsticanje ulaganja u:

- Sanacija, rekonstrukcija i izgradnja postojećih i novih proizvodnih, skladišnih i poslovnih objekata,
- Popravka i /ili nabavka mašina, postrojenja i oprema za proizvodnju i informatičke opreme usmjerene ka proizvodnji itd.,
- Značajnije aktivnosti na osnovu promjene sveukupnog proizvodnog procesa i stanja postojeće poslovne djelatnosti društva (reinžinjeriing)

MJERA 2.

Pozajmljivanje za finansiranje uplate za PIO/MIO

Pozajmljivanje preostalih sredstava po ovoj mjeri vrši se za izmirenje dugovanja privrednog društva za neuplaćene doprinose samo po osnovu PIO/MIO, zaposlenicima koji su u privrednom društvu koje aplicira za Mjeru 2., stekli uslove za odlazak u penziju, najkasnije do kraja 2014. godine.

IV. KRITERIJI ZA IZBOR KORISNIKA

MJERA 1.

Pozajmljivanje preostalih sredstava po ovom Javnom pozivu znači kredit obezbijeđen putem Union banke d.d. Sarajevo (u daljem tekstu: Banka), regulisan ugovorom o kreditu po kamatnoj stopi ispod tržišne, sa odgodom plaćanja („grace“ periodom) do 24 mjeseca i maksimalnim brojem do 48 mjesečnih rata, te eventualne mogućnosti dobivanja grant sredstava (oprosta određenog broja zadnjih rata) u visini od 20% od glavnice pozajmljenih sredstava, ukoliko se sve obaveze uredno servisiraju na način, u iznosu i u vremenu predviđenom ugovorom.

Korisnici preostalih sredstava za Mjeru 1.

Pozajmljivanje preostalih sredstava prema ovom Javnom pozivu može biti odobreno:

- privrednim društvima koja su pretrpjela štetu izazvanu poplavama čiji su objekti sa područja Unsko-sanskog, Zeničko-dobojskog, Posavskog, Tuzlanskog, Srednje -bosanskog i Sarajevskog kantona,
- privrednim društvima čija je primarna djelatnost definisana djelatnostima proizvodnje u sektorima navedenim u tački 2. Javnog poziva,
- ako zapošljavaju najmanje 20 zaposlenika.

Prednost prilikom dodjele preostalih kreditnih sredstava imaju privredna društva koja su pretrpjela direktnu štetu od elementarnih nepogoda.

Kao posebni kriteriji uzimati će se u obzir sljedeće:

- stepen oštećenja cjelokupne imovine izračunat po dostavljenoj procjeni nadležne općinske komisije ili osiguravajućeg društva,
- visina investicije i ulog vlastitog kapitala u investiciji,
- broj zaposlenika,
- ravnomjerna teritorijalna zastupljenost po ugroženim kantonima,
- dužina poslovanja.

Navedeni kriteriji će biti detaljnije precizirani u aktu Komisije - Posebni kriteriji za realizaciju programa utroška preostalog dijela sredstava utvrđenih u razdjelu 17. Budžeta Federacije Bosne i Hercegovine za 2014. godinu Federalnom ministarstvu energije, rudarstva i industrije „Pozajmljivanje i učešće u dionicama-ostala domaća pozajmljivanja“.

MJERA 2.

Pozajmljivanje preostalih sredstava po ovom Javnom pozivu znači kredit obezbijeđen putem Banke, regulisan ugovorom o kreditu po kamatnoj stopi ispod tržišne, sa odgodom plaćanja („grace“ periodom) do 12 mjeseci, maksimalnim brojem do 60 mjesečnih rata, te eventualne mogućnosti dobivanja grant sredstava (oprosta određenog broja zadnjih rata) u visini od 10% od glavnice pozajmljenih sredstava, ukoliko se sve obaveze uredno servisiraju na način, u iznosu i u vremenu predviđenom ugovorom.

Korisnici preostalih sredstava za Mjeru 2.

Pozajmljivanje preostalih sredstava prema Mjeri 2, može biti odobreno:

- privrednim društvima sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sektorima navedenim u tački 2. Javnog poziva,
- ako zapošljavaju najmanje 40 zaposlenika.

Korisnici preostalih kreditnih sredstava i po Mjeri 1. i po Mjeri 2. ne mogu biti privredna društva:

- u stečaju, osim privrednih društava u stečaju u kojima se vrši restrukturiranje (što se dokazuje odgovarajućim dokumentom),
- u postupku likvidacije,
- koja imaju nepodmiren dug prema federalnim i državnim institucijama, osim ako isti nije reprogramiran važećim dokumentom i ako Programom nije drugačije definisano (ova tačka se ne odnosi na privredna društva koja apliciraju za Mjeru 2.),

- kojima je zatražen povrat dosadašnjih podsticaja,
- koja ne ispunjavaju uslove za otvaranje transakcijskog računa kod Banke (ova tačka se ne odnosi na privredna društva koja apliciraju za Mjeru 2.),
- koja bez prekida posluju kraće od 6 mjeseci i/ili ne posjeduju zvanične finansijske izvještaje,
- koja imaju iskazan gubitak iznad visine kapitala prema posljednjem zvaničnom bilansu stanja,
- koja prema CRK izvještaju Centralne Banke BiH imaju tekuće plasmane u finansijskim institucijama u kategoriji lošijoj od B (osim u slučaju da obezbijede dokaz o urednom izmirivanju obaveza) i
- kojima su odobrena sredstva iz Programa utroška dijela sredstava utvrđenih u Razdjelu 17. Budžeta Federacije Bosne i Hercegovine za 2014. godinu Federalnom ministarstvu energije, rudarstva i industrije „Izdaci za finansijsku imovinu – Ostala domaća pozajmljivanja“ (“Službene novine Federacije BiH”, broj 52/14), a po Javnom pozivu za kandidovanje Programa utroška dijela sredstava utvrđenih u Razdjelu 17. Budžeta Federacije Bosne i Hercegovine za 2014. godinu Federalnom ministarstvu energije, rudarstva i industrije „Izdaci za finansijsku imovinu – Ostala domaća pozajmljivanja“ (“Službene novine Federacije BiH”, broj 57/14).

V. PREOSTALA SREDSTVA PREDVIĐENA ZA POZAJMLJIVANJE

Preostala sredstva za provođenje Programa obezbijeđena su u Budžetu Federacije Bosne i Hercegovine za 2014. godinu.

Navedena sredstva za Mjeru 1. su kreditnog karaktera, sa:

- odgodom plaćanja („grace“ periodom) do 24 mjeseca,
- godišnjom kamatnom stopom u visini 0,9% i
- naknadom za obradu kredita-jednokratno u visini 0,6%.

Navedena sredstva za Mjeru 2. su kreditnog karaktera, sa:

- odgodom plaćanja („grace“ periodom) do 12 mjeseci,
- godišnjom kamatnom stopom u visini 0,9% i
- naknadom za obradu kredita-jednokratno u visini 0,6%.

Dodijeljena sredstva korisnici vraćaju u maksimalno 48 mjesečnih anuiteta za Mjeru 1., i 60 anuiteta za Mjeru 2., što zavisi od visine dodijeljenih sredstava. Početak povrata kredita, dinamika vraćanja, kao i drugi bitni elementi kredita bit će definisani ugovorom.

Dodijeljena sredstva isključivo će se isplaćivati na račune korisnika kredita kod Banke, čime će se omogućiti i kontrola utroška dodijeljenih sredstava, osim ukoliko se radi o sredstvima iz Mjere 2. Programa i uz saglasnost Federalnog ministarstva energije, rudarstva i industrije (u daljem tekstu Ministarstva), odnosno ukoliko je Ministarstvo uvažilo okolnosti zbog kojih račun u Banci ne može biti otvoren.

Sredstva za provođenje Programa odobravati će se u visini novčanih sredstava, na način kako je to dato u Tablici broj 1. za Mjeru 1. i Tablici broj 2. za Mjeru 2.

Tablica broj 1.

Redni broj	Visina dodijeljenih sredstava u KM	Odgoda plaćanja (grace period) u mjesecima do	Broj anuiteta vraćanja sredstava ¹	Kolateral ²
1.	20.000,00 – 100.000,00	24	24	Zalog na nekretnine i pokretne stvari
2.	100.001,00 – 200.000,00	24	25 - 30	
3.	200.001,00 – 300.000,00	24	31 - 40	
4.	300.001,00 – 400.000,00	24	41 - 48	

Privredna društva koja imaju od 20 do 40 zaposlenih mogu aplicirati za kredit do 200.000,00 KM, a privredna društva koja imaju više od 40 zaposlenih mogu aplicirati za kredit do 400.000,00 KM.

Tablica broj 2.

Redni broj	Visina dodijeljenih sredstava u KM	Odgoda plaćanja (grace period) u mjesecima do	Broj anuiteta vraćanja sredstava
1.	20.000,00 – 50.000,00	12	24
2.	50.001,00 – 100.000,00	12	25 - 36
3.	100.001,00 – 150.000,00	12	37 - 48
4.	150.001,00 – 200.000,00	12	49 - 60

Vrijednost nekretnina koje se uzimaju kao kolateral mora biti minimalno 1,5:1 u odnosu na iznos kredita.

Vrijednost opreme koja se uzima kao kolateral mora biti minimalno 3:1 u odnosu na iznos kredita.

Ukoliko je namjena kredita nabavka pokretnih stvari, obavezno je da se iste zalažu kao dodatni kolateral, bez obzira na ostale vrste kolaterala.

Broj anuiteta vraćanja sredstava i za Mjeru 1. i za Mjeru 2. određivat će se proporcionalno dobijenim sredstvima, u skladu sa podacima iz Tablice broj 1. i Tablice broj 2.

Privrednim društvima, koja blagovremeno vrše povrat dobijenih sredstava, Ministarstvo na njihov zahtjev, može predložiti Vladi Federacije Bosne i Hercegovine donošenje odluke o oslobađanju povrata ostataka duga u iznosu od 20% za Mjeru 1., odnosno 10% za Mjeru 2. od glavnice.

Zakonom o izmjenama i dopunama Zakona o izvršavanju Budžeta Federacije Bosne i Hercegovine za 2014. godinu („Službene novine Federacije BiH, br. 99/13, 31/14 i 45/14) Ministarstvu je u razdjelu 17. na poziciji, „Izdaci za finansijsku imovinu - Ostala domaća pozajmljivanja”, obezbijeđeno ukupno sredstava u iznosu od 7.600.000,00 KM, koja su raspoređena Programom.

Preostala sredstva predviđena za provođenje Programa iz tačke 6. odnose se na sanaciju posljedica izazvanih prirodnom nesrećom, nastavak rada privrednih društava i očuvanje radnih mjesta, i to kroz Mjeru 1. u cjelokupnom iznosu preostalih neutrošenih sredstava i kroz Mjeru 2. u cjelokupnom iznosu preostalih neutrošenih sredstava .

¹ U broj anuiteta se ne računa grace period

² Pored mjenica

Od cjelokupnog iznosa, za realizaciju Mjere 1., Programom je predviđeno ukupno 6.600.000,00 KM, a nakon realizacije po prvom Javnom pozivu, preostalo je ukupno 4.480.000,00 KM i to onako kako je to prikazano u Tablici broj 3. U fazi obrade su još dva zahtjeva za dodjelu sredstava po prvom Javnom pozivu a odnose se na Mjeru 1., tako da je moguća korekcija preostalih sredstava u Tablici broj 3, odnosno umanjeње istih za iznos do maksimalno 550.000,00KM. Tako bi u konačnici, u Tablici broj 3, moglo doći do korekcije, odnosno umanjeња, sredstava i to: za sektor metalne, elektro i automobilske industrije za 150.000,00KM i za sektor hemijske industrije i industrije gume i plastike za 400.000,00KM. Ukoliko dođe do promjena, u gore navedenim iznosima, u odnosu na Javni poziv za preostala sredstva, Komisija je dužna svaku izmjenu zapisnički konstatovati.

Tablica broj 3.

SEKTORI INDUSTRIJSKE PROIZVODNJE	PREDVIĐENA SREDSTAVA U KM	DODIJELJENO U KM	PREOSTALA SREDSTVA U KM
Metalna, elektro i automobilska industrija	1.700.000,00	530.000,00	1.170.000,00
Građevinska industrija	900.000,00	790.000,00	110.000,00
Drvena i papirna industrija	1.800.000,00	0,00	1.800.000,00
Proizvodnja tekstila, kože i obuće	1.200.000,00	800.000,00	400.000,00
Hemijska industrija i industr. gume i plastike	1.000.000,00	0,00	1.000.000,00
UKUPNO u KM	6.600.000,00	2.120.000,00	4.480.000,00

Od cjelokupnog iznosa, za realizaciju Mjere 2., Programom je predviđeno ukupno 1.000.000,00 KM, a nakon realizacije po prvom Javnom pozivu, preostalo je ukupno 588.847,95 KM.

VI. PROVOĐENJE PROGRAMA

Kod prijave na Javni poziv, potencijalni korisnici kreditnih sredstava trebaju dostaviti sljedeću dokumentaciju:

- Dokumentacija na obrascima Banke:
 - Zahtjev za kredit,
 - Karton deponovanih potpisa,
 - Popunjen upitnik o povezanim licima,
 - Saglasnost za pristup podacima iz centralnog registra kredita,
 - Izjava ovlaštenog lica o nepostojanju računa nad kojim je određena mjera zabrane raspolaganja novčanim sredstvima*,
 - Pregled postojećih kreditnih obaveza sa informacijama o namjeni i obezbjeđenju* i
 - Poslovni plan koji uključuje i plan investiranja sa efektima utroška sredstava*.
- Dokumentacija potencijalnih Korisnika kredita:
 - Rješenje o registraciji,
 - Aktuelni izvod iz u sudskog registra (ne stariji od 30 dana),
 - Statut i odluka/akt o osnivanju,

- Uvjerenje o poreznoj registraciji kod Porezne uprave – ID broj,
- Uvjerenje o registraciji obveznika poreza na dodatnu vrijednost – PDV broj,
- Obavještenje nadležnog zavoda za statistiku o razvrstavanju prema djelatnosti,
- Uvjerenja nadležne organizacione jedinice Porezne uprave/UINO da nema neizmirenih obaveza po osnovu javnih prihoda*,
- Identifikacioni dokument osnivača,
- Lične karte i CIPS potvrde o prebivalištu lica ovlaštenih za zastupanje,
- Zvanični finansijski izvještaji za posljednje tri godine (ukoliko je privredno društvo osnovano u periodu koji je kraći od tri godine, dostaviti finansijske izvještaje za cjelokupni period poslovanja),
- Analitički bruto bilans na posljednji dan prethodnog mjeseca u odnosu na dan podnošenja zahtjeva za kredit,
- Pregled potraživanja od kupaca na posljednji dan prethodnog mjeseca u odnosu na dan podnošenja zahtjeva za kredit,
- Pregled obaveza prema dobavljačima na posljednji dan prethodnog mjeseca u odnosu na dan podnošenja zahtjeva za kredit,
- Dokumentacija u vezi sa imovinom koja se nudi kao obezbjeđenje kredita: procjena sudskog vještaka (ne starija od šest mjeseci) i ZK izvod/izvod iz registra zaloga (ne stariji od 30 dana)*,
- Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 20 zaposlenika za Mjeru 1. i 40 zaposlenika za Mjeru 2.),
- Procjena štete izvršena od strane osiguravajuće kuće ili od općinskog organa nadležnog za sačinjavanje procjene štete(samo za privredna društva koja su pretrpjela direktnu štetu od elementarnih nepogoda),
- Ostala dokumentacija u skladu sa zahtjevima Banke i/ili Ministarstva, kao i dokumenti za koje klijent smatra da su interesantni za Banku.

Obrasci Banke za popunjavanje mogu se preuzeti direktno u Banci ili na internet stranici Union banke d.d. Sarajevo (www.unionbank.ba)

Svi traženi dokumenti trebaju biti originali ili ovjerene kopije ne starije od 30 dana od dana podnošenja kreditnog zahtjeva.

NAPOMENA: Privredna društva koja apliciraju za dodjelu kreditnih sredstava za Mjeru 2. Javnog poziva, dužna su uz navedenu dokumentaciju dostaviti spisak zaposlenika koji su ostvarili uslove za odlazak u penziju/mirovinu usaglašen sa podacima iz Federalnog Zavoda PIO/MIO, sa datumom sticanja tog prava (najkasnije do 31.12. 2014. godine) i iznosom duga samo po osnovu PIO/MIO, ovjeren i potpisan od strane nadležne osobe privrednog društva i Federalnog Zavoda PIO/MIO.

Privredna društva koja apliciraju za dodjelu kreditnih sredstava po Mjeri 2. Javnog poziva (tačka 6 podtačka 2. Programa), nisu obavezna dostaviti dokumentaciju označenu sa *.

Prilikom formiranja liste korisnika uzimati će se u obzir najraniji datumi sticanja prava na penziju.

VII. KANDIDOVANJE PROGRAMA

Pismeni zahtjev za kredit sa ostalom potrebnom dokumentacijom po Javnom pozivu, uvezan i poredan po tačkama Javnog poziva, podnosi se Ministarstvu na memorandumu društva, potpisan od strane ovlaštenog lica sa preciznom namjenom

sredstava kredita, iznosom i rokovima otplate kredita, te sa naznakom iz kojeg se industrijskog sektora traže sredstva (Metalna, elektro i automobilska industrija; Građevinska industrija; Drvna i papirna industrija; Proizvodnja tekstila, kože i obuće; Hemijska industrija i industrije gume i plastike).

Zahtjevi za kreditna sredstva koji su veći od maksimalnog predviđenog iznosa iz Tablice br.1. i br. 2. po Javnom pozivu, smatrati će se formalno neispravnim i neće se uzeti u razmatranje.

Namjena utroška kreditnih sredstava, kao i ponuđeni kolateral za obezbjeđenje kredita, ne može se mijenjati u toku postupka obrade kreditnog zahtjeva od strane Ministarstva i Banke.

Privredno društvo po Javnom pozivu može dostaviti jednu aplikaciju za Mjeru 1. ili Mjeru 2.

VIII. PRIPREMA

Podnosilac zahtjeva snosi sve troškove u vezi pripreme i kandidovanja programa.

Zahtjevi za dodjelu kredita sa odgovarajućim priložima i dokumentacijom iz poglavlja VI. Javnog poziva, dostavljaju se preporučeno poštom ili lično u zapečaćenoj, neprovidnoj koverti na adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po Javnom pozivu za kandidovanje programa za korištenje dijela sredstava utvrđenih u Razdjelu 17. Budžeta Federacije Bosne i Hercegovine za 2014. godinu Federalnom ministarstvu energije, rudarstva i industrije „Izdaci za finansijsku imovinu – Ostala domaća pozajmljivanja“.

Na poleđini koverta obavezno navesti naziv podnosioca zahtjeva, adresu i kontakt telefon i ovjeriti pečatom.

Podnosilac zahtjeva može izmijeniti ili povući svoj zahtjev prije isteka roka za dostavljanje zahtjeva, a Federalno ministarstvo energije, rudarstva i industrije mora o tome biti obaviješteno u pisanoj formi prije isteka roka za podnošenje zahtjeva. Izmjena ili povlačenje ponude mora biti izvršeno u skladu sa ovim poglavljem. Osim toga, na koverti u kojoj se nalazi obavještenje o izmjeni ili povlačenju zahtjeva ponuđača treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Odluke i Rješenja o dodijeljenim sredstvima privrednim društvima po Javnom pozivu objavljuju se u „Službenim novinama Federacije BiH“ i na internet stranici Ministarstva.

Ovaj poziv ostaje otvoren trideset (30) dana od dana posljednjeg javnog objavljivanja i objavit će se u “Službenim novinama Federacije BiH” i dnevnim novinama “Oslobođenje” i “Dnevni list”.

Nepotpune i neblagovremene prijave neće biti uzete u razmatranje.

Detaljnije podatke i informacije, vezano za Program i Javni poziv, mogu se pronaći na službenoj internet stranici Federalnog ministarstva energije, rudarstva i industrije: www.fmeri.gov.ba.